

Broj: 10/14/5-362-1-15-13/2019
Sarajevo, 27.04.2020. godine

Na osnovu čl. 69. i 70. Zakona o javnim nabavkama Bosne i Hercegovine („Službeni glasnik BiH“, broj 39/14), u postupku javne nabavke softvera i opreme za popis osnovnih sredstava putem konkurentskog zahtjeva za dostavu ponuda čije obavještenje je objavljeno na portalu javnih nabavki pod brojem: 855-7-1-13-3-15/19 od 29.11.2019. godine Ministar Federalnog ministarstva poljoprivrede, vodoprivrede i šumarstva, u ime ugovornog organa, **d o n o s i**

ODLUKU

o poništenju postupka javne nabavke putem konkurentskog zahtjeva

I

PONIŠTAVA SE postupak javne nabavke putem konkurentskog zahtjeva za dostavu ponuda čije obavještenje je objavljeno na portalu javnih nabavki pod brojem: 855-7-1-13-3-15/19 od 29.11.2019. godine, a radi javne nabavke softvera i opreme za popis osnovnih sredstava.

II

Postupak javne nabavke putem konkurentskog zahtjeva za dostavu ponuda iz tač.1.ove odluke poništava se iz razloga što nijedna od zaprimljenih ponuda nije prihvatljiva, a u skladu sa članom 69. stav (2) tačka d) Zakona o javnim nabavkama BiH.

III

Ova odluka će se objaviti na web stranici Federalnog ministarstva poljoprivrede, vodoprivrede i šumarstva, shodno članu 70. stav (6) Zakona o javnim nabavkama Bosne i Hercegovine.

IV

Ova odluka stupa na snagu danom donošenja.

O b r a z l o ž e n j e

Rješenjem Ureda za razmatranje žalbi broj: JH2-03-07-1-3240-8/19 od 23.01.2020. godine poništena je Odluka ovog organa o izboru najpovoljnijeg ponuđača broj: 10/14/5-362-1-15-8/2019 od 16.12.2019. godine i predmet je vraćen ugovornom organu na ponovni postupak.

U ponovljenom postupku ocjene i vrednovanja ponuda zaprimljenih u postupku javne nabavke putem konkurentskog zahtjeva za dostavu ponuda čije obavještenje je objavljeno na portalu javnih nabavki pod brojem: 855-7-1-13-3-15/19 od 29.11.2019. godine a radi javne nabavke softvera i opreme za popis osnovnih sredstava, utvrđeno je da su blagovremeno zaprimljene dvije ponude i to ponude ponuđača „KAMER COMMERCE“ d.o.o. Sarajevo i „ŠPICA SYSTEMS“ d.o.o. Sarajevo.

Ocijenom zaprimljenih ponuda utvrđeno je da iste nisu prihvatljive.

Ponuda Ponuđača „KAMER COMMERCE“ d.o.o. Sarajevo je od strane Komisije ocijenjena kao neprihvatljiva iz razloga što ponuda nije dostavljena u skladu sa Konkurentskim zahtjevom, tj.

nije dostavljena ponuda mobilni terminal sa ugrađenim bar-kod skenerom, odnosno nije u skladu sa članom 54. stav (3) Zakona o javnim nabavkama BiH ponudač dokazao da njegov ponuđeni uređaj, kako to ponudač ističe, posjeduje bolja svojstva od traženih, niti je dokazao da njegov ponuđeni uređaj posjeduje ugrađeni bar – kod skener (pozivanjem na određeni dio svoje ponude iz kojeg bi to bilo vidljivo i prihvatljivo).

Ponuda Ponuđača „ŠPICA SYSTEMS“ d.o.o. Sarajevo je od strane Komisije ocijenjena kao neprihvatljiva iz razloga što nije dostavljena ponuda u skladu sa Konkurentskim zahtjevom (tenderskom dokumentacijom), tj. nisu dostavljene dvije kopije originalne ponude koje su zahtjevano tenderskom dokumentacijom predmetnog postupka javne nabavke, te na taj način ponudač nije dostavio svoju ponudu u skladu sa zahtjevom tenderske dokumentacije, a u vezi sa članom 57. stav (1) Zakona o javnim nabavkama BiH (prema kome su ponuđači prilikom pripremanja ponude dužni da se pridržavaju uslova i zahtjeva iz propisane tenderske dokumentacije ugovornog organa).

Na osnovu naprijed navedenog činjeničnog stanja Komisija je utvrdila da u predmetnom postupku javne nabavke nije bilo prihvatljivih ponuda.

Članom 69. stav (2) tačka d) Zakona o javnim nabavkama BiH propisano je: „Ugovorni organ obavezan je poništiti postupak javne nabavke u slučaju da:

d) nijedna od primljenih ponuda nije prihvatljiva“.

Kako u predmetnom postupku javne nabavke nije bilo prihvatljivih ponuda ugovorni organ je primjenom člana 69. stav (2) tačka d) Zakona o javnim nabavkama BiH odlučio kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba ugovornom organu u pisanoj formi u roku od 10 dana od dana prijema iste.

Dostaviti:

- „KAMER COMMERCE“ d.o.o. Sarajevo
- „ŠPICA SYSTEMS“ d.o.o. Sarajevo
- a/a

